

STATISTIČKE INFORMACIJE O RADU NA PREDMETIMA RATNIH ZLOČINA

Izvještajni period: 01.01.2023.godine do 31.12.2023. godine

Pred Okružnim sudom u Trebinju u toku su suđenja u predmetima broj:

1. **15 0 K 004280 22 K, protiv optuženog Elez Ilije**, zbog krivičnog djela Ratni zločin protiv civilnog stanovništva iz člana 142. st. 1. KZ SFRJ. Početak glavnog pretresa održan je dana 02.02.2023. godine. Na glavnom pretresu je pročitana optužnica i date su uvodne riječi, nakon čega je javni tužilac pristupio izvođenju dokaza. Saslušana su dva svjedoka M. M i H. S., kako direktno tako i unakrsno. Nastavak glavnog pretresa održan je dana 02.03.2023. godine, tom prilikom javni tužilac je nastavio sa izvođenjem dokaza, te su saslušana dva svjedoka, R.G i V.G, kako direktno tako i unakrsno. Takođe, na glavnom pretresu je pročitani zapisnik o saslušanju svjedoka iz istrage Z.A, koji je u međuvremenu preminuo, a branilac optuženog je naveo pitanja koja bi postavio da je svjedok prisutan. Nastavak glavnog pretresa održan je dana 29.03.2023. godine, javni tužilac je nastavio sa izvođenjem dokaza, te su pročitani zapisnici o saslušanju svjedoka iz istrage V.T. D. K i R. K, čiji dolazak pred sud je znatno otežan iz važnih razloga, te je pročitani i iskaz svjedoka M. H. koji je u međuvremenu preminuo, a branilac optuženog je naveo pitanja koja bi postavio da je svjedok prisutan. Nastavak glavnog pretresa održan je dana 06.04.2023. godine, kojom prilikom su saslušani svjedoci B.E. i A. H., te 12.05.2023. godine kada je saslušan svjedok B.S., dok je pročitani zapisnik o saslušanju svjedoka R.S. Nastavak glavnog pretresa je zakazan za dan 20.06.2023. godine, na kojem je saslušana svjedokinja Z.H. Naredni glavni pretres je zakazan za dan 12.9.2023.g., na koji pretres su pozvana tri svjedoka, od kojih je pristupio samo jedan svjedok i to svjedok Dž.H. Nastavak sljedećeg glavnog pretresa je zakazan za dan 10.10.2023.g. na koji glavni pretres su pozvana tri svjedoka. Na nastavku glavnog pretresa dana 10.10.2023.g. saslušan je jedan svjedok i to V.H. Sljedeći nastavak glavnog pretresa je zakazan za dan 07.11.2023.g. na koji će biti pozvana tri svjedoka. Sudu je dostavljen podnesak branioca optuženog kojim se traži odlaganje nastavka glavnog pretresa, zbog činjenice da je optuženom, Elez Iliji, preminuo jedan od članova porodice te je glavni pretres zakazan za 06.12.2023.godine na kojem će biti saslušana tri svjedoka. Dana 06.12.2023. godine na nastavku glavnog pretresa konstatovano je da nisu pristupili svjedoci na saslušanje, te je nastavak sljedećeg glavnog pretresa zakazan za 16.01.2024. godine.

2. **15 0 K 004223 20 K, protiv optuženog Milić Radomir zv. Mića**, zbog krivičnog djela Ratni zločin protiv civilnog stanovništva iz člana 142. st. 1. KZ SFRJ. U navedenom predmetu, ovaj sud je dana 20.02.2023. godine uputio dopis Ministarstvu pravde BiH u pogledu pribavljanja informacija da li postoji odgovor danskih vlasti, povodom upućene zamolnice od 19.01.2022. godine u ovom krivičnom predmetu. Upućena je i zamolnica za pružanje međunarodne pravne pomoći nadležnom organu Kanade putem Ministarstva pravde BiH, obzirom da nije dostavljen nikakav odgovor po prethodnoj zamolnici od 02.09.2020. godine. Takođe, upućen je odgovor na mejl danskih vlasti u pogledu uspostavljanja direktne saradnje i utvrđivanja mogućnosti saslušanja svjedoka, koji žive na teritoriji Kraljevine Danske. Nije bilo odgovora na zamolnice, te je sljedeći nastavak glavnog pretresa zakazan za dan 19.9.2023.g. na koji je pozvan optuženi i njegov branilac, te OJT Trebinje. Predsjednik vijeća je tada konstatovao da postoji problem sa dostavom poziva tri svjedoka koja su predložena optužnicom, a koji nisu dostupni sudu. Adrese koje su date u optužnici onemogućavaju sud da efikasno okonča postupak. Ostavljen je rok javnom tužiocu od trideset dana da dođe do adresa predloženih svjedoka, te je sljedeći glavni pretres zakazan za 23.10.2023.g. Na nastavku glavnog pretresa održanom dana 23.10.2023.g. pročitan je iskaz svjedoka I.H., te od strane branioca optuženog su predložena tri svjedoka za sljedeći nastavak glavnog pretresa koji je zakazan za dan 27.11.2023.g. Na nastavku glavnog pretresa održanog dana 27.11.2023. godine u 11 časova saslušana su tri svjedoka odbrane i to D.B., S.R i M.Š. Obzirom da OJT nije imalo novih saznanja o adresama predloženih svjedoka H.I. i S.M. , predsjednik vijeća je tužiocu dao rok do 11. decembra 2023. godine da dostavi tačnu adresu svjedoka , u suprotnom dogovorit će se oko termina za davanje završnih riječi tokom januara 2024. godine.
3. **15 0 K 004152 19 K, protiv optuženog Predraga Lažetića zv. Pele**, zbog krivičnog djela Ratni zločin protiv civilnog stanovništva iz člana 142. st. 1. KZ SFRJ. U navedenom predmetu nastavak glavnog pretresa održan je dana 09.03.2023. godine, tom prilikom saslušan je svjedok iz SAD, preko video konferencije, čime je završen dokazni postupak, te je zakazano ročište za davanje završnih riječi. Dana 25.04.2023. godine sud je donio i javno objavio presudu kojom je optuženog Predraga Lažetića oglasio krivim što je kršeći pravila međunarodnog prava za vrijeme oružanog sukoba prema civilnom stanovništvu vršio nečovječna postupanja i povrede tjelesnog integriteta, čime je počinio krivično djelo Ratni zločin protiv civilnog stanovništva iz člana 142. stav 1. KZ SFRJ, pa ga sud na osnovu istog zakonskog propisa, uz primjenu odredbi člana 41. stav 1. tačka 2. i člana 43. stav 1. tačka 1. KZ SFRJ, osuđuje na kaznu zatvora u trajanju od 2 (dvije) godine i 6 (šest) mjeseci.
4. **15 0 K 005972 23 K, protiv optuženih Rajka Vojvodića i Milutina Đilasa**, zbog krivičnog djela Ratni zločin protiv civilnog stanovništva iz člana 142. st. 1. KZ SFRJ. Optužnica potvrđena dana 06.10.2023.g. Početak glavnog pretresa zakazan je za dan 27.02.2024. godine.